

ENFORMAZIUNS Y COMUNICAZIUNS

Funziun: Döta la comunità è bel enviada da gni ala Zelebrazion dla Parora de Dio, en domëgna ai 22 d'auri ales 18:00, te dlijia. Al è na ocajiun por perie deboriada y ince por conësce plü damprò cösta bela forma liturgica, motüda adöm y tignida da laics.

Pelegrinaie: Desche al è belo en pü' tradiziun, vëgnel organisé al 1. de mà le iade a Weissenstein. An peia ia ales 6 da doman dan le Skibar y va con le bus cina sò dal Lé de Ciarëza (Karersee). Enlò vàn ennant a pè cina Weissenstein, olache al sarà ales 15:00 na mëssa. Por les 18:00 rounse a Tluses a cëna y i sarun endò a ciasa encër les 20:00. Chi co ô gni empara, po s'anunzié pa Hartmann Frontull al 0474/501468 o al 347/2388302.

Referat: En dédemesaledema ai 18 d'auri ales 8 da sëra, èl sò La Val, te salf dles manifestaziuns, na sëra d'enformaziun por döta la valada sön la Unité Pastoral, dal titul "Sarà döta la Val Badia en iade na cöra sora?" Referënt è le degan signor Iaco Willeit.

Oraziun: En vëndres ai 20 d'auri ales 20:00 vëgnel tignì tla capela da Oies na ora de oraziun de Taizé, olache al vën perie, meditè y cianté en forma de Taizé. Düc è bënodiüs.

Cor dles Ères: Le Cor dles Ères d'Al Plan chir enteressades co ess ligrëza da gni a cianté pal cor. An po se mëter en contat con Teresa al 0474/501155 o con Rosmarie al 339/5912655.

Comun: Al vën lascé alessëi che an ne po nia plü dé jö ta Cìamaor cassëtes dla lëgna. Emplü vëgnel enformé che la racoüda dal refodam grò è ai 27 y 28 d'auri. Enformaziuns plü monüdes ciafëise tal Saltà o sön la plata internet dal Comun.

Ciamena dal guant: Le Grup dla Ciamena dal Guant recorda che tla vedla Ciasa de Palsa ta Picolin èl la poscibilitè da dé jö y se chirì fora guant, vigne jöbia dales 14 ales 16. An po dé jö de vigne sort de bel y bun guant, mo ince linzos, cisces, pezes da mans, guant da sot ete, coltrines, tovaies, deches, cialzà etc. Döt dess ester sauber y entier.



La comunità d'Al Plan ti aoda döt le bun, sanité
y benedisciun ai geniturs
Carlo Trebo y Chiara Cristoni
por la nasciüda de pici **MARCO Y JAN.**

Impressum: Ploania d'Al Plan, str. Catarina Lanz nr. 46, 39030 Al Plan de Mareo.
Telefönn y fax de calogna: 0474 501006. Radio Ploania: MhZ 93,00
Comunicaziuns - cina al dédemesaledema sëra - da mené a: Pablo Palfrader
Tel. 333 4762010 Mail: ploaniaalplan@gmail.com
Ploania da descíarié sön www.comun.mareo.bz.it y sön www.valbadiaonline.it



Ploania
d'Al Plan
de Mareo

La plata de Ploania


E-Mail: ploaniaalplan@gmail.com - Radio: 93,00 MhZ

Domëgna Blancía - 2. de Pasca, ann B, ai 15.04.12 - nr. 21

Dal vagnele dô San Jan, 20, 19-31

¹⁹La sëra dal pröm dé dal'edema, canche i discepoli â dla tēma dan dai iüdes saré pro les portes, èl gnü Gejù, è jü amesa ëi ete y ti à dit: Pësc a os! ²⁰Dô cöstes parores ti àl mostré sões mans y so piet. Enlò se ralegrà i discepoli da odëi le Signur. ²¹Gejù ti à ciamó en iade dit: Pësc a os! Desche le Pere m'à mené mè, ensciö ves mëni iu os. ²²Dô ch'al â albü dit cösc, ti àl fladé ados y ti à dit: Ciafede le Spirit Sant! ²³A chi che os ti lascëis dô i picëis, ti èsai lascës dô; y a chi che os ne ti ai lascëis nia dô, ne ti èsai nia lascës dô. ²⁴Tomesc, nominé Didimus (jomelin), önn dai dodesc, n'ea nia pa d'ëi, canche Gejù ea gnü. ²⁵I atri discepoli ti à spo dit: I àn odü le Signur. Al ti à rospognü: Sc'i ne vëighi nia les ferides dai agüs te

sões mans y sc'i ne po nia mëter mio dëit tal büsc dai agüs y mia man te so piet, ne crëii nia. ²⁶Otedé dedò ea sü discepoli indò abinà adöm, y Tomesc ea laprò. Danlò è gnü Gejù - les portes ea slütes pro - è jü amesa ëi ete y à dit: Pësc a os! ²⁷Spo ti àl dit a Tomesc: Tin ca to dëit - tlò è mies mans! Tin ca töa man y mëtela te mio piet, y ne stè a ester descredënt, mo credënt! ²⁸Tomesc ti à rospognü: Mio Signur y mio Dio! ²⁹Gejù ti à dit: Deache te m'as odü, crëieste. Beác è chi co ne vëiga nia y crëi empò. ³⁰Ciamó trec d'atri sëgns, co n'è nia scrié sò te cösc liber, èl sté Gejù co à fat dan dai edli de sü discepoli. ³¹Mo chisc è gnüs scrié sò ch'i cherdëise che Crist è le Messia, le Fi de Dio, y ch'i ëise, tres la fede, la vita te so ennom.
Parora dal Signur. – Lalt a té, Gejù Crist!



Christus ist die offensive Öffnung zwischen Gott und der Welt. Und als Öffnung ist er eine Wunde, nicht heilend, bis alles heil ist. Diese Gotteswunde ist das Gotteswunder der christlichen Botschaft schlechthin.

Otmar Fuchs



15.04 - Dominica in Albis - Domëgna Blancia

6.00: Mëssadora ia La Pli

9.30: Corona por la +nta Angela Erlacher nasc. Erlacher

10.00: S. Mëssa por dōta la Comunité

15.00: Funziun de rengraziamont dal Bato por pici mituns y families

Lönesc 16.04 - dla 2a edema de Pasca: Bernardeta, Benedikt, Creszënzia

7.25: S. Mëssa dal ann por +nta Maria Maneschg Tamers
por +nta Maria Erlacher dal Craizer
por +nc Baldissera da Roje

Dédölönesc 17.04 - dla 2a edema de Pasca: Sciomun (Simon), Rudolf, Robert, Eberhard

18.00: Corona dal tomp de Pasca

Dédemesaledema 18.04 - dla 2a edema de Pasca: Alexander, Scebio, Ananajio, Sabina

18.00: S. Mëssa
3. *Requiem por +nta Angela Erlacher nasc. Erlacher*
dal ann por +nta Maria Zingerle Kehrer
por +nc Mena y Lois Taibon
por +nta Anna Pitscheider da Craciurara
por +nta Cinzia Alessandri

Jöbia 19.04 - Memoria de San Leo IX: Marta, Gerold, Friedrich, Werner

18.00: Corona dal tomp de Pasca

Vëndres 20.04 - dla 2a edema de Pasca: Hildegund, Wilhelm, Odette

7.10: S. Mëssa por +nt Pire Maneschg da Čiane
dai scolari por +nc de Paula Werth
por +nta Judita Palfrader de Brüscia

15.00: Oraziun y adoraziun

Sabeda 21.04 - dla 2a edema de Pasca - S. Maria in Sabato: Čiascian, Conrad, Anselm

10.00: S. Mëssa de reng. dla vita por Emma Mutschlechner Frenner
14.00: Bato de Jan y Marco Trebo
18.00: S. Mëssa por +nc dla fam. Pitscheider - Erlacher de Corcela
por +nt Franz Kaneider de Ianesc
por +nc dla fam. Tamers Carlo y Maria
de rengraziamont dla vita



Oferta por la Ploania

22.04 - 3. Domëgna de Pasca


6.00: Mëssadora ia La Pli

9.30: Corona dla domëgna

10.00: S. Mëssa por dōta la Comunité (*čiantada dai Mosaic*)

dal ann por +nt Franz Pisching da Sarjēi
por +nc Lois y Nina Oberbacher
por +nt Jep Ties da Plazores
por +nt Friedl Ferdigg dal Pech da Mantēna
por +nt Pepi Pescoller dal Joblère

18.00: *Zelebrazium dla Parora de Dio por dōta la Comunité*



Gejù à dit: „Chi co crēi te mè, vir inće sce ai mör!“

La comunité tol comié da

ANGELA ERLACHER nasc. ERLACHER

morta al'eté de 84 agn.

Ai familiars ti va les condolianzes plü sontides.

Che Angela pòi palsé tla pèsc de Dio!

SORVISC DAI MINISTRONC

Domëgna 15.04 - 10:00: Maira Call, Samuel Castlunger, Elena Ties, Gabriel Ties, Max Palfrader, Jan, Max y Vanessa Obwegs; **Lönesc (7:25),**

Dédemesaledema (18:00) y Vëndres (7:10): Alice Daverda, Esther Comploi; **Sabeda 18:00:** Daniel Borroni, Anna Chierchia, Daniel y Luca Comploi, Simone Crusafio, Davide Fontanella; **Domëgna 22.04**

- 10:00: Paula y Veronika Erlacher, Alessia y Miriam Kaneider, Mike Kaneider, Angelo Marku, Leo y Emma Kastlunger; **18:00 (Zelebrazium dla Parora de Dio):** Sara Fontanella, Filippo y Rebecca Kastlunger, Martina Kaneider, Mark y Kevin Kastlunger, Daniel Piazza, Herbert Piazza.



OCIO: I ministronc co ne ti à nia čiamó lascé a Carlo Suani en numer de zelular, è periès da ti mené en SMS al 348/6290572. Chi co n' à nia enstësc en zelular, dess dé dant le numer d'en genitur, ensciö pòn arjunje dūc i minis canche al è da fà comunicaziuns emportantes o de prescia. Iolan!

ENFORMAZIUNS Y COMUNICAZIUNS

Dé dla natōra: Sot al motto "Nosc comun è inće mio comun" èl le Comun de Mareo co enviëia la popolaziun da gnì a romené sō le paisc. Al dess ester en dé por sté adōm y valorisé nostes contrades, mo inće da porté en ejompl de respet dla natōra por i mëndri co vën docà (inće la scora dēida). An s'encunta en sabeda ai 21 d'aorì ales 9 te plaza dan scora, por pié ia spo te de pici grups. Da misdé è dūc chi co dēida enviës da sté adōm a marēna.

Curs: La Uniun dles Ėres adōm al Consēi de Formaziun d'Al Plan mēt da jì en curs dal titul "Cò se gestì le grōm de fotografies digitales". Le curs è debann y vën tignì da Paul Erlacher, en lönesc y dēdölönesc ai 23 y 24 d'aorì ales 8 da sēra, te salf dla Raiffeisen (endōt 3 ores). An n' à nia bria da s'anunzié. Chi co à en laptop dess s'al tō empara.

Sontada/1: En domëgna ai 22 d'aorì ales 10:00, èl tla Gran Čiasa ia La Pli la sontada dla Enteressonza de Fanes.

Sontada/2: La Uniun dles Patrones dal Comun da San Martin enviëia ala encuntada de dōtes les patrones dla Val Badia, en sabeda ai 28 d'aorì ales 9:00, tal salf dal Istitut Ladin ta San Martin. Enviades è dōtes les patrones, inće chēres nia scrites ete ala uniun.